

KJKP „VODOVOD I KANALIZACIJA“ d.o.o. SARAJEVO
DIREKTOR
Izvod broj: KZ 124/19-lot 2

Sarajevo, 11.11.2019. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo i člana 41. Statuta preduzeća, na preporuku Komisije za javnu nabavku broj: KZ 124/19-lot 2 od 16.10.2019. godine, u postupku javne nabavke br. KZ 124/19-lot 2 - „**Hladni napitci**“, donosi se:

ODLUKA
o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj KZ 124/19-lot 2 od 16.10.2019. godine i ugovor za javnu nabavku roba: „**Hladni napitci**“ – tender broj KZ 124/19 - lot 2 dodjeljuje se ponuđaču: **“Defter“ d.o.o. Sarajevo**, ponuda broj: **585 /2019** od **30.09.2019. godine** za ponuđenu cijenu u iznosu: **13.596,00 KM bez PDV-a**, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču: **“Defter“ d.o.o. Sarajevo** po proteku roka predviđenog Zakonom o javnim nabavkama, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke je pokrenut Odlukom o pokretanju postupka javne nabavke broj: KZ 124/19 od 27.08.2019. godine. Javna nabavka je provedena putem konkurentskog zahtjeva. Procijenjena vrijednost javne nabavke bez PDV-a, iznosi: 15.000,00 KM. Predmetna nabavka je planirana u Planu javne nabavke za 2019. godinu pod rednim brojem 169. Obavještenje o nabavci broj: 247-7-1-166-3-288/19 je objavljeno na Portalu javnih nabavki dana 30.08.2019. godine. Ispravka obavještenja: 247-7-1-166-8-298/19 je objavljena na portalu javnih nabavki dana: 03.09.2019. godine i ispravka obavještenja broj: 247-7-1-166-8-318/19 dana: 12.09.2019. godine.

Komisija za javnu nabavku je imenovana Rješenjem broj: 19-07-01/19 od 19.07.2019. godine, i dopunskim Rješenjem za promjenjive članove komisije br. KZ 124/19-1 od 27.08.2019. godine.

Komisija za javnu nabavku je dana 07.11.2019. godine, dostavila Preporuku o izboru najpovoljnijeg ponuđača broj KZ 124/19- lot 2 od 16.10.2019. godine.

Komisija je konstatovala da je na osnovu Obavještenja o nabavci br. 247-7-1-166-3-288/19 od 30.08.2019. godine proveden postupak javne nabavke putem konkurenskog zahtjeva za dostavu ponuda, te je izvršeno javno otvaranje ponuda dana: 01.10.2019.godine u 12:45 sati, a što je konstatovano zapisnikom sa otvaranja ponuda br. KZ 124/19 lot 2.

Za predmetnu javnu nabavku dostavljene su tri (3) ponude ponuđača:

1. „Robot General Trading Co“ d.o.o.Sarajevo i ispravka ponude „Robot General Trading Co“ d.o.o.Sarajevo
2. „Defter“ d.o.o. Sarajevo
3. „Vispak“ d.d. Visoko

Konstovano je da su navedeni ponuđači preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku. Nakon izvršenog otvaranja ponuda Komisija je dana: 01.10.2019.godine pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača: „Robot General Trading Co“ d.o.o.Sarajevo i ispravka ponude „Robot General Trading Co“ d.o.o.Sarajevo i „Defter“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Komisija je konstatovala da dostavljena ponuda ponuđača: „Vispak“ d.d. Visoko ne ispunjava zahtjevane tenderske uslove prema obliku i potpunosti u smislu pripreme ponude, a koji se odnose na čvrsti uvez ponude.

Konstatovano je da dostavljena ponuda nije čvrsto uvezana na način da se onemogućí naknadno vađenje ili umetanje listova odnosno listovi ponude su dostavljeni pojedinačno te nisu obezbjeđeni na način koji bi onemogućio naknadno vađenje ili umetanje listova ponude.

Ovakvo postupanje ponuđača: „Vispak“ d.d. Visoko nije u skladu sa tačkom 17.1.1 tenderske dokumentacije „Čvrsti uvez ponude“, kojom je definisano sljedeće:

„Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio ponude se čvrsto uvezuje na način da se onemogućí naknadno vađenje ili umetanje listova. Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom. Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude“.

Shodno navedenom, Komisija je jednoglasno zaključila da dostavljena ponuda ponuđača „Vispak“ d.d. Visoko ne ispunjava postavljene tenderske uslove prema obliku ponude (uvezivanje u čvrsti uvez), te se kao takva odbacuje i ista nije bila predmet daljeg razmatranja.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće :

R. br.	Zahtjevana kvalifikaciona dokumentacija	Ponuđač	
		„Robot General Trading Co“ d.o.o.Sarajevo	„Defter“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Komisija je konstatovala da ponuđači „Robot General Trading Co“ d.o.o.Sarajevo i „Defter“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	Ponuđač	
		„Robot General Trading Co“ d.o.o.Sarajevo	„Defter“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	Tačka: 16 TD: pod brojem 1. Obrazac za ponudu – Aneks II; Prilog 1.	Ponuđač nije popunio „Obrazac za ponudu“ u skladu sa zahtjevima iz tenderske dokumentacije	DA

R. br.	Ostala zahtjevana dokumentacija/aneksi-prilozi	Ponudač	
		„Robot General Trading Co“ d.o.o.Sarajevo	„Defter“ d.o.o. Sarajevo
2.1	Tačka: 16 TD: pod brojem 1.1 Popis dokumenata uz ponudu koji čini sadržaj ponude – Aneks II; Prilog 1	DA	DA
3.	Tačka: 20 TD: Obrazac za cijenu ponude – Aneks III; Prilog 2	Ponudač nije popunio „Obrazac za cijenu ponude“ u skladu sa zahtjevima iz tenderske dokumentacije	DA
4.	Tačka 31 i 36 TD: Nacrt okvirnog sporazuma – Prilog 7.	Ponudač izmjenio date uslove iz tenderske dokumentacije	DA
5.	Tačka: 31 i 37 TD: Nacrt ugovora o javnoj nabavci – Prilog 8.	Ponudač izmjenio date uslove iz tenderske dokumentacije	DA
6.	Tačka: 43 TD: Povjerljive informacije – Prilog 6.	DA	DA

Pregledom ponude ponuđača: „Robot General Trading Co“ d.o.o. Sarajevo, Komisija je konstatovala da je navedeni ponuđač vršio izmjene u Obrascu za cijenu ponude - Anex III; Prilog 2; u rubrici br. 10 (Rok isporuke), u Nacrtu okvirnog sporazuma Član 4 - Prilog 6 i u Nacrtu Ugovora o javnoj nabavci Član 4 – Prilog 7, na način da je prekrizio postavljene uslove i pored datih upisao nove koji nisu u skladu sa postavljenim uslovima u tenderskoj dokumentaciji.

Nepopunjavanjem navedene rubrike traženim podacima, te izmjenom uslova iz tenderske dokumentacije ponuđač: „Robot General Trading Co“ d.o.o.Sarajevo nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i čini sastavni dio tenderske dokumentacije.

Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio.

Obzirom da ponuđač „Robot General Trading Co“ d.o.o.Sarajevo nije postupio u skladu sa zahtjevima iz tenderske dokumentacije to se ponuda ponuđača: „Robot General Trading Co“ d.o.o.Sarajevo u skladu sa članom 68. stav (4), tačka i) Zakona o javnim nabavkama odbacuje kao neprihvatljiva, te ista nije bila predmet daljeg razmatranja.

Komisija je konstatovala da je ponuđač: „Defter“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene zahtjeve iz specifikacije. Takođe je konstatovano da je ponuda ponuđača: „Defter“ d.o.o. Sarajevo potpisana od strane podnosioca ponude i ovjerena pečatom ponuđača, te ima broj i datum. Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Komisija je konstatovala da u ponudi ponuđača: „Defter“ d.o.o. Sarajevo nema greške računске prirode.

Konstatovano je da ponuđač: „Defter“ d.o.o. Sarajevo nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) Zakona o javnim nabavkama).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj 66/16) e-aukcija ne može zakazati. Postupak javne nabavke će se okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Defter“ d.o.o. Sarajevo. iznosi 13.596,00 KM bez PDV-a.

Komisija je jednoglasno dala prijedlog Ugovornom organu da za nabavku roba: „Hladni napitci“- tender broj KZ 124/19 lot 2 donese Odluku o dodjeli ugovora ponuđaču: „Defter“ d.o.o. Sarajevo broj ponude : 585/2019 od 30.09.2019. godine, čija vrijednost ponude iznosi 13.596,00 KM bez PDV-a.

Iz gore navedenih razloga, primjenom odredbi člana 64. stav (1) tačka b) Zakona o javnim nabavkama, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti :

- Ponuđači
- a/a



Direktor

Enver Hadžiahmetović, dipl.inž.maš.